

文淵閣

四庫全書

影印

文淵閣四庫全書

第一二七五冊

北京出版集團公司
北京出版社

本冊目次

念菴文集

明 羅洪先撰……………一

皇甫司勳集

明 皇甫汈撰……………五二三

欽定四庫全書

集部
念菴文集
目錄
卷二

詳校官給事中臣王鍾健

中書臣劉源溥覆勘

總校官庶吉士臣何思鈞

校對官中書臣王家賓

謄錄監生臣范鍾

欽定四庫全書

集部六

念菴文集目錄

別集類五
明

卷一

策

表

疏

卷二

書

欽定四庫全書

念菴文集
目錄

卷三

書

卷四

書

卷五

記

卷六

雜著

卷七

論

卷八

銓著

卷九

傳

卷十

說

欽定四庫全書

念菴文集
目錄

二

辨

箴

銘

跋

贊

卷十一

序

卷十二

譜序

卷十三

行狀

卷十四

墓表

卷十五

墓志銘

卷十六

欽定四庫全書

念菴文集
目錄

三

墓志銘

卷十七

祭文

卷十八

梁文

卷十九

古詩

卷二十

排律

絕句

卷二十一

五言律

卷二十二

七言律

臣等謹案念菴文集二十二卷明羅洪先撰

洪先字達夫吉水人嘉靖己丑進士第一人

欽定四庫全書

念菴文集
目錄

四

官至左春坊贊善隆慶初贈光祿寺少卿謚

文恭洪先不及見王守仁而受學於其鄉人

李中中之學出於楊珠故其說仍以良知為

宗後作守仁年譜乃自稱曰門人不免講學

門戶之習其學惟靜觀本體亦究不免於入

禪然人品高潔嚴嵩欲薦之而不得則可謂

鳳翔千仞者矣其集初刻於撫州再刻於應

天最後諸門人編為此本而門人胡直序之

稱其學凡三變文亦因之初效李夢陽既而

厭之乃從唐順之等相講磨晚乃自行己意

其答友人書取譬於水謂古之人有能文者

必其中有自得實見斯道之流行無所不在

雖欲不為波濤湍瀾之類不可得斯亦有見

之言也此本為雍正癸卯其六世孫繼洪等

重刻洪先之裔乃名洪理不可曉豈誤解不

逮事則不諱耶乾隆四十三年五月恭校上

欽定四庫全書

念菴文集
目錄

五

總纂官臣紀昀臣陸錫熊臣孫士毅

總校官臣陸費墀

念菴文集原序

文者聖人不得已而用之是故文非聖人不能柄也自孟氏沒道術大裂文王孔子之文湮闕不著百氏稊出竄竊工巧而文柄遂旁落於能言者之家近代儒者所著若易通西銘若定性書易傳序彼能言者無容喙矣降是則不免於萎蕪而近俚彼其視之不引而去則曰此文之別種此豈細故哉道術不一而枝末之析太繁也且語道果誰昉乎虞書不云道心惟微既曰道心則

欽定四庫全書

念菴文集
原序

外心求之者未可以語道也既曰惟微則枝末承之者未可以識心也故語道莫善於一莫不善於析方其析之唯恐不至而不知萎蕪近俚之言諷若搏沙彼傑然好言者且唾之矣惡能使繹而行之孟子曰言近而指遠者善言也守約而施博者善道也夫唯不約是以不近此道術之益裂文柄之益落盖交相厲也此亦儒者之過也國家自弘治正德以前棟道之儒不嫻於文柄文之士不究於道盖亦不免於交厲之失唯白沙陽明

二公之為道也歸然獨得於本心之微故其言不下帶指遠辭達有非能言之士所幾念菴先生生兼江陝之秀挺出二公之後年甫十三已慕為古文比十五遂慙然以斯道為任方良知之學之既流也高者憑几寂照而曰在是矣其次則或認識解氣機為良知之流行先生始嘗惑之既而悔曰惟無欲而後入微惟微而後知無不良今皆以欲機合微體將求道心不可得也故既壯之後其學一主無欲所舉主靜歸寂辨荅數千言要

欽定四庫全書

念菴文集
原序

皆不踰其旨力踐之二十餘年然後廓然大悟沛然真得始自信於不惑之地所著異端論盖其微也其教學者恒取證於靜無動有之語久之德與年偕邁矣則曰是未始有夫存與不存者又焉有夫動靜之有無寂感之先後盖致微而一上達天德非膚學者能測也嘗試窺之先生之學凡三變而文亦因之先生少學文倣李空同棄之曰是未見端委者既入宮寮又與唐荆川趙浚谷相講磨大放於文久之語直曰吾無意為之矣移

荅友人取辟於水曰古之人有能之者必其中有自得

實見斯道之流行無所不在雖欲不為波濤湍瀾之類

不可得也以是知先生之於文所謂一以貫之者也夫

子曰文不在茲直於先生亦云文若干卷舊刻諸撫又

刻南畿咸漏而泛先生病之邑前令王君少方將營刻

以內召未果今令蘓君誠齋以先生生平力於道匪徒

力文宜慎擇語學者彙編以相警發監司施君華江聞

曰先生之文孰非道也宜併刻之乃徵吏部曾君見堦

欽定四庫全書

念菴文集
原序

三

偕及門士分校語學各體其他酬應諸雜著統凡若干

卷蘓君屬直序其端直慚從游之久既未聞道又焉知

文乃為著其崖略後之誦繹有知文柄必出道術則二

三君子之嘉惠斯文功不眇矣悲夫先生之道未逮大

行然見諸家邦徵諸遐邇矚然而經乎世明物察倫盡

性達命咸出無欲之體可以考堯舜孔孟不繆質天地

鬼神不疑百世俟聖人不惑者也奚俟直云

欽定四庫全書

念菴文集卷一

明 羅洪先 撰

策

殿試策

嘉靖己丑科

皇帝制曰朕惟治天下之道不可聚舉其大者在乎知人
安民二者而已夫知人則哲必能官而任之安民則惠必
使匹夫匹婦各得其所雖然堯舜尚於此猶難夫豈後世

欽定四庫全書

念菴文集
卷一

一

所能及也朕本藩服仰承天命入奉大統朝夕戰兢不遑
寧處何自即位以來災變頻仍旱潦相繼歲復一歲無處
無之生民流亡朕甚恐懼此非朕官非其人以虐民歟或
賢與不肖進退倒置歟或勸懲之典失其宜歟抑為我選
任者失公平之道歟夫天聽自我民聽天視自我民視非
民不聊生而天垂深戒者如此何歟至於內有盜賊之擾
外有疆場之患此亦以為民之害者民為邦本而使饑寒
困苦流離死亡至於如此邦欲安得乎朕雖存保邦安民之

念求其所以實無一得朕欲俾災沴潛消民生安堵盜賊息邇方靖財充而食足不知如之何可以臻此特進爾多士于廷爾多士明於王道有日矣且目覩時艱豈無真識的見以匡我者當悉心吐露推行所以于篇朕當勉為親覽焉勿謫勿憚勿泛勿畧庶副朕意嘉靖八年三月十五日

華蓋殿讀卷奉御批學正有見言謹而意必忠宜擢之首者賜第一甲第一名

臣羅洪先

欽定四庫全書

念菴文集

二

臣對臣聞帝王之致治也有覆天下之仁而以不費為施有周天下之智而以不勞為用施不費而後順時鼓舞之權行用不勞而後憲天聰明之實盡盡聰明者存乎誠誠無疑矣妙鼓舞者存乎變變無方矣無方而顯作用於旁行仁之發也以天下之才盡天下之故得天下之故神天下之化夫何費之有無疑而別賢否於不遺智之運也以天下之公為一人之度廓一人之度達天下之情夫何勞之有是故誠以基智智以廣仁仁以

盡化化以格天天順而時化和而理仁廣而通智睿而辨非夫先天而天不違後天而奉天時者其孰能與於此故仁而不得其要必紛錯而彌文智而不本於誠必穿鑿而任術彌文之弊泛而寡效任術之弊察而不弘天下之事廢者多矣是故帝王存之為湛一之本舉之為易簡之善明而先覺惠而久大蓋其所執者要而所尚者審故也是以天地可位萬物可育氣化太和災沴不作其上下一貫之理顯微無間之機乎是故仁智合德之

欽定四庫全書

念菴文集

三

謂聖志氣交感之謂通天人同歸之謂治是說之不明也亦久矣古人之言曰上有好言之君則下必有盡言之臣又曰益志廣德莫善於問乘事演道莫善於對臣愚恭遇陛下精明納言得其時矣觀時勢之故究恢濟之本極理要之說廣德業之規臣非其人也而竊有志焉敢不敬述所聞以對惟天生民不能無欲欲之不制亂之成也苟非至德大道不行故夫德合天者謂之皇德合地者謂之帝兼乎三才足以叙倫盡制者謂之天

子故置聰明為元后而佑下民也作之君師子夏問孔子以民之父母孔子曰四方有敗必先知之一人而定四方者君也是故天者立君之命也君者立民之命也裁成之道輔相之宜所自成也典禮之衷命討之權必有歸也安民非君之責乎勢一而後定於義職分而後詳於仁是故惟王建國體國經野設官分職以立民極也樹后王君公承以大夫師長以奉天道也此則共濟之義大公之制也官人非君之助乎然地遠則德未易

欽定四庫全書

念菴文集
卷一

四

徧情異則化未易齊求萬姓之咸休至難也聽言則易於匿情盡實則乖於廣容求九德之咸事至難也然臣嘗求之矣四凶之惡未著也堯不逆探其奸元凱之善未著也堯不責備其用是道也其知人之要乎黎民敏德在臣工之克艱帝力不知由百僚之師師是道也其安民之要乎然而當時病其難者思日孜孜之心後世之弗逮忘其有事者也念不念之間而治忽因之其亦可畏也哉仰惟陛下即位以來務學求理敬慎夙夜不

遑寧處求直言以廣聽納除冗役以剋蠹害謹衛爵以簡任使嚴章法以辨優劣其於用人可謂謹矣免雜租以重邦本發餘帑以蘇時艱減貢獻以節浮費明寃獄以行欽恤其於撫民可謂至矣是宜海內興富足之歌天下樂有年之頌朝著崇相讓之風郡邑尚承德之美而休徵畢集嘉氣聿暢矣夫何近年災故迭見旱魃肆虐千里相繼淫潦損苗逾時不止白虹示警坤儀載震星變上現靈氣四昏夫天人之應自古不誣氣數之說

欽定四庫全書

念菴文集
卷一

五

匪經之訓故曰聖王在上日月不薄蝕星辰不悖雷發不震雨雹不為苗一氣之流行故也今也仰窺晷度俯考璣衡豈惟聖明慮之至愚如臣亦宜疑之矣然嘗延詢博訪近察遠聞而知斯民之困也倉箱無卒歲之儲田里無口分之業耕獲未已而稱貸復行亦有收不以時如蘓軾之慮者矣播種已施而券契輒易亦有欲亟其死如陸贄之憂者矣或病於賦稅之增或困於徭役之擾至於災異之地猶失撫字之方栗烈不免於懸鵲

原野誰矜夫蒙袂是以流離載道轉相嗷嗷攘劫為生
益見靡敗邈塵稍動僵仆滿目夫天心之仁靡不欲其
相養以生而民之司牧乃忍視其轉死而不救知人之
道可不重省乎哉陛下之睿思既有以洞燭其弊矣臣
也復何所言伏惟聖問有曰官非其人以虐民臣不敢
謂無是也蓋古之仕也祿不計其厚薄職不計其大小
惟以盡分為賢不以年數為限今也上無責成之心下
有苟安之幸善政未必行能聲未必著累日積資自可

欽定四庫全書

念菴文集
卷一

六

叙遷是安得不以利為利也陛下有以處之乎聖問有
曰賢與不肖進退倒置臣不敢謂無是也蓋古之仕也
進以實德不以空言故靜言如兇不得長奸有能如鯨
猶謂方命今也聽其辭說無以證其素行取其才藝不
復稽其道術是安得不以不肖為賢也陛下有以辨之
乎以勸懲言之古之課績也日有日成月有月要歲有
歲會故不素也今給由之制亦有視為文具而以情毀
譽者乎是賞罰無可考矣以選任言之古之進賢也官

長自舉其僚屬薦辟不避乎親故皆以情也今銓衡之
法亦有故遺所知而遠絕嫌謗者乎是公平有所礙矣
四患不除則庶理不得庶理不得則羣賢不登羣賢不
登則處置失宜而百姓無賴是故潢池多弄兵之警沿
邇無固守之防以此立國則國運不泰以此制民則民
紀弗寧夫天視自我民視天聽自我民聽信乎感應之
道察乎機緘之萌是安得不來宵旰之憂而切多士之
問也然臣以為知致弊之由則必有救弊之方病化源

欽定四庫全書

念菴文集
卷一

七

之鬱則必有更化之道毋亦於知人者而加之意乎臣
亦不敢為近世苟且之見習熟之說以負陛下之誠意
請揆其本而論之夫天聰明聖時憲古之訓也然天之
聰明不可度也有德則降祥有惡則降殃大以成大小
以成小各因其宜而未嘗有為也各盡其才而未嘗有
心也山澤之廣大汙疾之藏納而未嘗靡容也觀於天
道可以知人君之度矣舜為大智隱惡而揚善謙之受
益能慮以下人者也聖貴改過不保其往誠於取善無

不可師在協于克一而已是故虛心以應之下已以待之水
澄則妍媸自見也衡平則輕重自倫也必以形迹觀人則不
可以盡人必以法制繩人則不可以服人而況人心至神無
感不通上之好惡靡不審上之情偽靡不知示之以誠猶
恐其渝示之以疑弊將安極已未信而欲人之信已不可
得也人弗信而欲其惟志之從亦不可得也今以虞度之
私而視聖人問察用中之心為何如哉雖然此其本也槩
舉其端則教育不可不端也選舉不可不慎也考課不可

欽定四庫全書

念菴文集
卷一

八

不精也而三者之中教育又其大端也欲端教育在於正道
術之習重師儒之賢欲正其習則祖訓所謂一以記誦為
能卒無實用者可戒也欲舉其師則祖訓所謂必求端人
正士以為模範者可行也敦本而尚質先德而後藝如
是而教有不成本乎欲慎選舉在於謹資格之弊崇德行之
科謹資格也則當鑒裴光庭混淆之失崇德行也則當用
程頤薦達之議而又止奔競之風重廉恥之節如是而選
有不當乎欲精考課在久賢能之任明賞罰之權久任則

杜恕所謂辟親民長吏轉為郡守有績則進爵加秩者
可法也明權則傳瑕所謂君志定國體崇而後責其成
者可取也如是而課有不精乎然而數者之要非秉聰
明之德不能行憲天之說無亦所當致省者乎既能知
人則安民者舉而措之耳然道有升降政由俗草法不
變則道不融制不新則化不顯兼以時久則窮事煩則
弛俗玩則弊勢積則屯守其故必滯而不通反其源斯
順而可達是故作其倦怠不可無勸相之道一其趨向

欽定四庫全書

念菴文集
卷一

九

不可無防範之規剛克柔克因人而施者也尚質尚忠
與世相成者也此可以觀時矣時未至而求之太驟則
易至於用智時已至而行之無漸亦不謂之適宜故觀
其會通順其酬酢以為當官之法固可盡其才能以為
責效之期尤當易於底績今習於惰逸昧於物情執一
定之迹應無窮之變豈所以振皇綱而宣德意者乎雖
然此其本也槩舉其端則東南有可耕之人而無其地
西北有可耕之地而無其法曠土隙田之未治晁錯之

所憂也鑿源灌渠之有法召信臣之所行也臣又聞因旱得雨而皇祖猶憫其傷苗乃免田租今則善政置諸廢閣多矣無亦以實意行之乎西陲告饑請粟而皇祖倍其賚予且令速發今則雖有急請稽延歲時久矣無亦以便宜處之乎田無定分貧富不均畧為檢制可也賦有巧算虛實莫究加以清量可也禁侈靡之風而民自足黃霸之惠政也豫儲蓄之舉而歲不饑朱熹之良規也然而數者之要非達變易之宜不能行順時之說

欽定四庫全書

念菴文集
卷一

十一

無亦所當致省者乎順時而不悖則賢才無掣肘之虞任人而不疑則閭閻有切實之效遂飽暖安逸之欲而無饑寒盜賊何從生乎蓋不但龔遂之治渤海也得撫綏攻戰之宜而無敗衄外侮何由至乎蓋不但如充國之在湟中也生之有道用之有節積之有備取之有制財用足而衣食富又不必劉晏之取予而後為善計也又何患於天心之不格災患之不潛消哉然聖問於終篇尤有明於王道真實的見之說以啟愚臣之盡言而

且戒諂畏之弊臣有以知陛下求治理之切廣謀猷之陳上嘉下樂之情至矣臣復何所顧忌而不終其義哉蓋聞祖訓有曰一民未安猶為未仁一念未誠猶難格天又曰人情遇祥則有驕心遇災則有懼心懼則戒心常存或皆蒙休矣嗚呼其殆天人之交始終之義安危倚伏之機乎今陛下遇災而懼因變而警歸過於已加念於民是心豈有二哉此準陶所謂兢業萬幾者也寅恭和衷者也是知人安民之大原也萬古虛靈不昧之

欽定四庫全書

念菴文集
卷一

十一

天德也今之災變即潛消也此心之敬戒無時可止息也孔子曰為政在人即知人之可以安民也取人以身即知人之本於憲天也脩身以道脩道以仁仁也者即今日敬戒之真心也是心也天得之以清地得之以寧聖人得之能使天下和平是故無有內外無有遠近渾然與物同體者也準則變化皆由此出清明在躬可以一貫誰則無之難乎其純耳聖人之學以純其心者也加以意必即非此心加以固我即非此心其得其失不

假外求匪思匪為乃所自得是故靜而養之而未始有

物實淵深也動而慎之而未始不定實溥博也故一念之覺即為誠一念之放即為偽達於此為大智決於此為大勇而飾外之累不足惑之矣順之而運用也乃為周流之妙失之而襲取也乃為執方之行而似是之非不足動之矣以此脩己中有主而不雜於二三以此親賢任必專而不疑於可否以此為裁事宰物之柄則擬議而不窮以此為事天治民之本則精明而不懈學不

欽定四庫全書

念菴文集

卷一

欽定四庫全書

念菴文集

卷一

知心難言窮理不能窮理何以泛應此一貫之旨也千聖之傳也百世之經也愚臣終身學之而未能者也程子言告君之貴誠也猶鐘之音係所感而應也張子之言曰試言乃事君第一義豈可有欺臣之微誠何足為獻然亦不敢妄舉以陷於自欺芻蕘之慮有補萬一亦大聖之所不棄也惟陛下審擇而力行之不勝幸甚臣謹對

表

謝恩表

伏以建極敷言一德神作人之教觀光從類萬方應睹聖之期念福予之無私顧名器之濫及感深莫報寵至若驚臣等竊惟自古上下之交式啟當世文明之運故疇咨必期於亮采而俞受咸與乎成能世下逮於彌文士相安於成習禮煩而忠信薄名存而行誼乖非切旁求曷資治理恭惟皇帝陛下稽古正學達孝尊親禮樂適興於百年敬一遠紹乎三代猶謂化未廣被道不虛行欲知恤以責成在正辭於始進清問發天人之蘊昌言達堯舜之聰食藿寡謀傾葵心於獨對拔茅彙進來對體以無遺凡誦孔氏之常談皆近漢廷之前席至如臣者尤過幸焉不獨獲一字之褒褒且欲示千金於隗始車天雲漢玉音親灑於九重簞笥衣裳赤芾遽先乎三百憶洛陽少年治安之策敢擬寸長攷永樂甲申獎飾之恩于今再見特儀暫假市朝訝儒者之榮豐宴均頒涓滴飽聖人之德而况連宵甘澍時雨應商拂曙祥

職卿雲兆宋是惟合德故不違於先天必有見知當並
出而名世豈意謫劣亦辱甄收臣敢不堅守初誠仰酬
希遇與之位與之祿奮庸共底于平康願為良願為忠
順逆奚逃于義命業脩匪懈言顧勿欺幼學行之終身
何求溫飽訐謨定於讜論肯逐浮沈伏願壽考盛而齊
岡陵譽髦成而歌棫樸無一夫之求備以器使人俾羣
力以獻工如梓作室天寶純佑濟濟來多士以永寧風
動儀刑疊疊成萬邦之彰信臣等無任瞻天仰聖恐懼
感激之至謹奉表稱謝以聞

欽定四庫全書

念菴文集

十四

奏疏

養病疏 庚寅

臣本草茅賤士未有寸長頃以迂言誤蒙寵拔臣感激
知遇已分捐身受祿數月尺寸不効正圖策勵疾疢相
尋自去歲九月來繁思沈憂心脾交損偶犯霜露面目
痺頑坐卧眩暈食減形羸更醫選藥未見痊可此皆福
踰其分是以數極為灾雖造物之意似無可逃然制命

之權尚有所賴詢之衆醫邪入經絡驟難解除元氣內
充鬱滯自暢謂臣稟氣素薄北地早寒須返江南始便
調衛揆之物性理亦有然顧臣奉公未久遽及其私自
非冥愚胡忍為此但念臣身之不存力將焉措時如有
待志尚可酬且夫違心之累有甚於負疴素餐之慚尤
苦於含藥故臣有不容已於自鳴者倘荷陛下深仁曲
從所請勅下吏部察臣無他許還鄉里寬假歲月臣堪
事奔走即赴闕廷精學術盡忠謹以報陛下且畢臣之
初心至幸大願又不獨區區旦夕計也惟陛下憐惜為
此具本親齋奏聞伏候勅旨

欽定四庫全書

念菴文集

十五

東宮朝賀疏 庚子

臣聞自古聖王之貽謀也未始不以禮為防而其禮之
行也又皆究微隱以周其慮蓋於辨等威防漸習雖節
目至細舉動至暫其關係至大而可久者尤不敢忽蓋
所以為天下萬世而非以自私也臣伏覩皇天眷佑前
曜揚輝陛下深惟古典早建儲宮已嘗下詔覃恩四方

矣既而慎選宮僚備輔導以隆法制天下皆知陛下此舉至公至明所以定大計而消覬覦為慮至深且遠也獨於令節上箋之禮稍遲以歲月者意者玉體未克而又持以謙抑耶夫人情之不容已者即禮之所由生今天下荷陛下覆育者已二十年有位者皆出拔置而有知者皆由涵濡而與之生成而又屢被霑露之恩正思所以報稱而莫之為圖者及聞儲宮之建又三年矣使其徒仰法制之隆而未覩威儀之盛亦何以一其觀聽

作其忠愛而使之不倦哉臣謂竭股肱之力致保護之誠天下臣民與臣殊責至於望清光樂盛美而罄私願者其心則一而已竊以明年正當天下臣儒朝覲會試之期而元日又為三始之吉欲乞聖裁即於是日俟奉天殿大禮既成請皇太子出御文華殿受朝賀如儀臣思是時內自畿甸外達邇鄙上計之吏下及蠻夷君長雕題左社之酋凡奉正朔而來王者皆得舞蹈庭墀必自慶以為朝覲而且得見吾君之子也儒生學士稱說

仁義者莫不矢初服而篤忠貞必且自慶相與謳歌吾君之子也是禮雖止於拜稽而實則可以萃羣情可以塞衆望可以昭大義不出宮禁而周四海不逾頃刻而垂萬萬年無疆之休是豈區區節目舉動而已哉或疑未告廟而臨臣民與禮不應臣請暫於奉先殿行禮或即代告自可通誠蓋推祖考之愛有甚於子孫之敬而繁文在可畧矣或疑膚質和粹不宜遠離阿保臣請擇左右慣習之人委之扈從重裘累茵周帷複幔戴日而出納陛而行亦自與深宮不異又況血氣得動盪而益舒知識由習熟而漸廣其於宣節不無相宜至於出閣講讀自有常期不敢豫瀆此正所謂禮之權也青輅既乘綵仗斯備凡冠服之制几案之規旌羽節蓋之華其職掌有常員而藏納有常處乞勅所司及時督造仍查內外執事侍班員缺從公推補務在得人不徒具位至於周廬之士虎賁之司亦望嚴擇然後任使是不待取其督力以壯羽衛實欲審其心意可托干城蓋文物以

昭數而陞盾以飾威斯二者又禮之微者也臣待罪宮
寮職當引古誼以贊助道術今觀典禮未備分不宜嘿
惟陛下亮其忠察其隱微而早斷之臣不任拳切為此
具本親齋奏聞伏候勅旨

明 羅洪先 撰

書

奉李谷平先生

某不才為時制所驅不知自量乃以空言干釣名利且
誤聖天子知人之明榮寵非分實貽之戚夙夜凜凜不
知自免平日漫過既緩存省當幾動困祇見窮迫兼以

格式束縛毀譽燥蕩因時處順強執中立尤難為功乃
知始之不慎困蒙之吝也幸天與聰明不至聲瞽而引
誘之密得所依歸亦豈敢以既往之非自絕生理哉嘗
謂天下之大辨存乎意而已心體精明意起而後有着
良知良能本自真切言其真切則幾涉疑似必不容含
糊而自能料理意或兼帶必不容迴護而自能掃除如
此方無認欲作理之弊如此方得功夫着實本心靜瑩
形迹雖異莫非此理更不須別求義以方外功夫不然